

Nau mai haere mai ki te tuaono o ngā hui huakanga o te ao!

E tari atu ana te komiti whakahaere kia tae mai ai koe ki Airani mō te hui WAC-6 e whakahaeretia ana mai i te 29 o Pipiri ki te 4 o Hōngongoi 2008. Ko te nuinga o ngā kaupapa mātauranga ka whakatūhia ki te whare wānanga o Dublin (University College Dublin), kei te tonga o te taone o Dublin e noho ana. Tirohia atu tā mātou pae tukutuku (<http://www.ucd.ie/wac-6>) mō ngā tini kaupapa whakaongaonga, rerekē hoki e taea ai e ngā kaiwhakauru te whai atu. Me tau mai ngā pepa, ngā pānui rānei i mua atu i te 22 o Hui tanguru 2008. Tēnā koa whakamahia te puka tono hiko kei te whārangi ‘tono kaupapa’ o te pae tukutuku kia tono pepa, pānui mai rānei. He hiahia nō mātou ki te kaha whakahau i ngā kaiwhakauru kia kakama te tono kaupapa mai.

E rārangitia ana ngā utu rēhitatanga mō te hui nei i te pae tukutuku. Ka kaha whakahau anō mātou i a kōutou te hunga rāwaho o te World Archaeological Congress (WAC) kia uru atu hei mema, i te mea he kaha iti ake te utu rēhitatanga WAC-6 mō ngā mema o WAC. E taea ana ērā o kōutou e hiahia ana te uru atu mā te pae tukutuku <https://worldarchaeologicalcongress.org/site/join.php>. Noho tonu ana ki tō WAC e tūmanakohia ana kia tau mai te marea i ngā whenua puta noa ki āna hui, e hanga hiamō ana mātou ki te tautoko (i tēnei o ngā hiahia) mā te whakakore i ngā utu mō te rēhitatanga, me te wāhi noho, he āwhina hoki i te taha ki te haerenga ki tāwahi, mō ērā o ngā mema o WAC e ahu mai ana i ngā whenua ohanga whakatiki, i ngā iwi taketake hoki. Tirohia atu te puka tono ‘tautoko-ā-haerenga’ kei te whārangi ‘pūtea tautoko’ o te pae tukutuku WAC-6 <http://www.ucd.ie/wac-6>.

He tini ngā whakaaturanga, ngā whakapuakitanga ka whakahāeretia i te hui nei. Ko *Abhar agus Meon*, Materials and Mentalities tēhahi. He tino whakaaturanga tēnei e āta tiro ana, e whakanui hoki ana i te whanaungatanga i waenga i te mahi toi, me ngā mahi huakanga. Mō te Wenerei, 2 o Hōngongoi, kua whakaritea ētahi momo haerenga rerekē kia whai wāhi ai ngā kaiuru ki te tiroiro haere ki te ahurea huakanga o Airani, ā, kia mutu rānō te hui e toru hoki ngā haerenga huakanga kua whakaritea mō ērā kaiuru e hiahia ana. Hei tāpiri atu, kua whakaritea ngā momo mahi whakangāhau hei whakahihiko, hei whakaharikoa i a tātou katoa.

Mēnā he pātai āu e pā ana ki ngā kaupapa mātauranga, tēnā koa tuku īmera atu ki wac6programme@ucd.ie. Mō ngā pātai e hāngai atu ana ki te rēhitatanga, ngā wāhi noho, me ngā pane uruwhenua mō Airani, whakapā atu ki wac6@ucd.ie.

E tari atu ana mātou ki te tūtaki atu i a koe i Dublin.

Nāku noa nā Gabriel Cooney, Hekeretari Mātauranga, mō te taha ki te komiti whakahaere WAC-6.

NGĀ RĀ WHAI TIKANGA:

Te rā whakamutunga hei tono pepa/pānui rānei: 22 Hui Tanguru 2008

Te rā whakamutunga hei whakamōhio atu mēnā kua whakaaehia tāu pepa/pānui: 14 Poutū-te-rangi 2008

(Me whakapā mai kōutou e hiahia ana kia wawe te whakamōhio atu mēnā kua whakaaehia a kōutou kaupapa, mō te pūtea tautoko te take, ki wac6programme@ucd.ie)

Ngā rēhitatanga wawe: i mua i te 26 Poutū-te-Rangi 2008

Ngā rēhitatanga tōmuri: i muri i te 26 Poutū-te-Rangi 2008

Te rā rēhita whakamutunga mō ngā kaiwhakahaere/kaikōrero katoa: 1 Haratua 2008